

奉天通志

三函之三冊
大事高宗仁宗下

奉天通志卷三十五

大事三十五 清

清九 高宗四

高宗乾隆四十五年春三月福康安遷以索諾木策凌爲盛京將軍

清實錄三月丁酉諭雲貴總督職任緊要奉天將軍福康安才具明幹秉性公忠卽著福康安補授以烏嚕木齊都統索諾木策凌爲盛京將軍

清史列傳 二十 福康安傳四十五年授雲貴總督

夏四月定本科會試中額奉天一名

清實錄四月己酉朔禮部以會試中額請得旨這會試滿洲蒙

古取中三名漢軍取中一名奉天取中一名

銘通免以奇臣爲奉天府尹

清實錄四月戊午以光祿寺卿奇臣爲奉天府尹

許盛京牛莊等六城山繭稅再試收二年

清實錄四月壬申盛京將軍調任雲貴總督福康安會同盛京戶部侍郎金魁奏牛莊蓋州熊岳復州金州岫巖六城所屬界內官山前准旗民人等放蠶輸納稅課試收二年再爲定額茲查四十四年分共徵山稅繭稅銀七千八百八十五兩有奇四十四年分徵銀八千六十二兩有奇係屬有增無減現雖已屆二年期滿若卽照此定額恐地方官見額稅已定不再廣募放蠶之人或將續增蠶戶隱匿不報請再試收二年查明增減數

目覈實辦理下部知之

冬十二月封閉錦州屬松嶺子等處煤窰

清實錄十二月己未工部議准前任奉天將軍宗室弘晌奏稱
錦州屬之松嶺子邊門界十三莊煤窰六座開採日久煤線斷
絕應請封閉從之

勅封句驪河渾河神

清實錄十二月己巳勅封句驪河河神靈源涵潤之神渾河河
神曰崇源協應之神御書句驪河新建河神廟名曰演慶扁曰
惠澤鍾祥渾河河神廟名曰順應扁曰靈脈精禋
四十六年春二月開採鳳凰城硝磺

清實錄二月癸亥奉天將軍索諾木策凌副都統德福奏盛京

需用硝磺經前任將軍奏准每年由本處購買配製但本城齟
土無多不敷採用如聽市僧販賣殊礙例禁卽由部支領又致
糜費腳價惟鳳凰城所屬尙堪採挖請委員雇夫監熬仍可按
年配造得旨嘉獎

耆獻類徵_{三十}德福傳四十六年二月偕盛京將軍索諾木策
凌奏請採挖鳳凰城所屬硝磺得旨嘉獎

三月定本科會試中額奉天一名

清實錄三月丙申禮部以會試中額請得旨這會試滿洲蒙古
取中三名漢軍取中一名奉天取中一名

封閉遼陽州黃旗溝等處煤窑

清實錄三月丁酉封閉奉天遼陽州黃旗溝等四處煤窑從將

軍索諾木凌策請也

夏五月命妥繙山海關外清語地名

清實錄五月辛卯諭凡以清字對音地方城邑當明白分別繙寫查山海關外盛京吉林黑龍江所屬地方乃我大清發祥開基之地大半皆有清語卽金錦二州漢字之義一繙爲鍾音州一繙爲愛辛州遼陽州繙爲遼哈安圖方合本意著軍機大臣等詳查山海關外府州縣無清語者俱取地方之意繙妥候朕閱定再行通諭遵行如克音等處無州縣字樣者印信仍增鑄以州縣字樣

閏五月停發邪教爲從擬軍遣犯於奉天等處

清實錄閏五月丙午刑部奏現奉諭旨邪教爲從擬軍遣犯不

得發奉天吉林及新疆等處查奉天等處根本重地新疆係邊陲要區此等遣犯均非安分之人誠恐煽惑請嗣後各省邪教爲從之犯照例發雲貴兩廣煙瘴地方充軍從之

封閉錦州孔家房身等處煤窑

清實錄閏五月己未封閉奉天府錦州孔家房身清河嘴蒲草泡煤窑五座從盛京將軍索諾木策凌請也

又閏五月戊辰封閉奉天府錦州毛祁屯煤窑從盛京將軍索諾木策凌請也

秋七月定盛京錦州等城滿洲驍騎校按旗揀選例

清實錄七月癸卯盛京將軍索諾木策凌熊岳副都統德福奏向例盛京之蒙古漢軍驍騎校均按旗揀選惟滿洲驍騎校初

係通融揀用嗣改爲本佐領下專用之缺辦理未協請嗣後將盛京錦州等城滿洲驍騎校五十六缺照蒙古漢軍例按旗揀選報聞

冬十一月查丈奉天流民私墾地畝酌增賦則

清實錄十月丁亥諭曰索諾木策凌奏稱現今查出流民私墾地畝酌定租銀併定旗倉納米數目此內如有畏賦重不肯承種仍回原籍者將地交旗人耕種照紅冊地畝例納米仍嚴飭民間永遠不准私墾官地如旗人不種又暗令民人耕種取租者除一併照例治罪外仍將地撤回入官等語索諾木策凌所辦尙是已交部議矣

又十一月己亥朔諭戶部議覆索諾木策凌等奏查丈流民私

墾地畝仿照山東科則定賦一則自應如此辦理流民私墾地畝於該處滿洲生計大有妨礙是以照內地賦則酌增以杜流民占種之弊且徹出地畝並可令滿洲耕種不特旗人生計有益並可習耕種之勞不忘舊俗

四十七年春正月建盛京文溯閣

清實錄正月乙卯諭由內庫撥銀七萬兩交榮柱等帶往盛京建蓋文溯閣應用

振盛京官莊等驛災

清實錄正月乙丑賑卹盛京官莊鳳凰城驛雪裡站通遠堡巨流河白旗堡二道境小黑山等驛乾隆四十六年分被水莊丁驛丁並蠲緩額徵地租

二月舉行乾隆四十六年奉天大計

清實錄二月丙戌舉行乾隆四十六年大計奉天省年老官二員有疾官一員才能不及官一員分別處分如例

三月添建岫巖廳倉廩

清實錄三月壬戌添建奉天府屬岫岩廳倉廩十五間從兼管府尹全魁請也

夏四月索諾木策凌免以慶桂爲盛京將軍

清實錄四月丙申諭軍機大臣等據喀寧阿等奏迪化等州縣採買糧石侵蝕自一萬兩至數百兩不等並訊出各員通同舞弊各送給索諾木策凌銀兩請旨飭下各督撫一體查抄等語著傳諭各該督撫卽將各該員革職拿問以正黃旗漢軍都統

慶桂爲盛京將軍

又八月乙酉諭索諾木策凌著派侍郎諾穆親會同刑部堂官
宣旨賜令自盡以爲大臣辜恩昧良者戒

清史列傳

七十二

慶桂傳四十七年四月授盛京將軍

秋七月以巴勒珠爾承襲科爾沁扎薩克多羅郡王

清實錄七月庚子以科爾沁郡王齊默特多爾濟弟巴勒珠爾
承襲扎薩克多羅郡王

八月建巨流河石橋並挖洩水溝

清實錄八月庚午盛京將軍慶桂等奏巨流河城工等於上年
八月告竣查巨流河新建城垣東西北三面緊接山坡每逢雨
水俱沿城基南流入河城基不無受損擬於城外東西北三面

開挖洩水溝三道城內南面亦挖水溝一道水由溝行城垣得以堅固並建石橋四座以便行旅共需銀一千二百餘兩歸入城工案內覈銷報聞

九月慶桂遷以永瑋爲盛京將軍

清實錄九月乙巳以吉林將軍宗室永瑋盛京將軍慶桂對調

清史列傳

二十七

慶桂傳九月調吉林將軍

耆獻類徵

二百九十

永瑋傳四十七年調盛京將軍

更換昭陵隆恩殿龍毯

清實錄是月調任盛京將軍慶桂覆奏定例龍毯歷二十五年

更換今昭陵隆恩殿龍毯係乾隆二十二年鋪設至四十三年

質已漸朽而絨毳尙存今又四年絨毳盡脫應請更換再更換

後舊龍毬例應於歲暮會同盛京工部焚化報聞

四十八年春三月盛京三陵殿內桌衣改用黃雲緞

清實錄三月丙辰盛京將軍宗室永瑋奏恭查三陵殿內桌衣有用明黃行龍緞有用明黃雲緞繪畫藍龍及彩鳳未歸畫一且繪畫易於脫落應請嗣後大祭桌張一體改用明黃雲緞四面套幃以昭整肅仍飭敬謹收貯十年一次更換得旨是

移建昭陵椿柵堆房

清實錄三月丙辰盛京將軍宗室永瑋奏恭查三陵周圍設立椿柵堆房俱整齊堅固惟昭陵正紅門前柵木在風水河北樹木叢中紅椿下馬牌在風水河南樹木之外該處草木茂盛多被遮掩且近臨河沿易致泡浸應請將柵木移於河南樹木外

舊設堆房隨移於柵木外並將紅椿向南展移二丈飭該總管等不時查看得旨嘉獎

秋七月定恭送冊寶至盛京儀注

清實錄七月癸巳禮部遵旨議奏本年恭送玉冊玉寶至盛京尊藏儀注

免錦州運通船戶遭風倉米

清實錄七月癸巳豁免遭風漂沒之奉天錦州運通船戶杜大來米一千二百十三石有奇

諭盛京嚴拿私行挖參人犯

清實錄七月辛亥諭據慶桂奏拿獲私行挖參人犯一摺吉林等處私行挖參人犯既有如許之多則盛京等處亦必有此等

私挖之人何不嚴行查拿著永瑋卽行派委妥幹官兵於產蔭山廠通衢要隘及山谿僻處嚴行搜緝查拿自明年爲始仍行放票開採將此寄知永瑋慶桂一面嚴行查拿私挖人犯一面將明年開採事宜妥議具奏尋永瑋奏查每年五月卽進行採蔭臣卽於此時派出鐵嶺城守禦六十七前往產蔭山根查訪本年自六月以來三次拿獲偷挖蔭犯七名臣以人數無多照例交盛京刑部審辦未經奏聞茲奉諭旨卽添派賢能官兵協同原派城守禦等前往通山要隘查獲外仍遵旨自明年爲始仍放蔭票照舊辦理別無更張報聞

又七月壬子諭明年盛京吉林等處仍行放給蔭票著交戶部查照向例卽行辦理

九月帝謁永陵

清實錄八月乙亥上東巡盛京恭謁祖陵自熱河惠迪吉門啟
鑾諭朕由熱河前往盛京所有經過直隸奉天各州縣著蠲免
本年地丁錢糧十分之五該部卽遵諭行

又九月乙丑朔駐蹕四堡子東大營庚寅駐蹕常家屯辛卯駐
蹕蔣家店壬辰駐蹕黃旗堡癸巳渡遼河駐蹕老邊甲午駐蹕
大臺乙未駐蹕噶布該丙申駐蹕蓮花套丁酉駐蹕尙家河戊
戌上謁永陵駐蹕夏園行宮翼日如之己亥上詣永陵行大饗
禮閱興京城

免奉天乾隆四十九年地丁正項錢糧等項

清實錄九月乙未諭茲由熱河取道九關台四莅陪京恭謁祖

陵蹕路所經恩施宜渥著加恩將奉天所屬府州縣乾隆四十九年地丁正項錢糧通行豁免

又九月己亥諭朕恭謁祖陵禮成現降旨將奉天所屬府州縣乾隆四十九年地丁正項錢糧通行豁免所有各莊頭及旗地應納糧石草束等項自應一體加恩著將盛京戶部各莊頭本年應交倉糧一萬餘石免其交納所有各處匠役應需口糧著於舊存倉糧內撥給其盛京興京遼陽牛莊蓋平熊岳復州金州岫岩鳳凰城開原錦州寧遠義州等十五處旗地本年應納米豆草束亦著免徵一年

減奉天等處死罪免軍流以下罪

清實錄九月己亥又諭朕恭謁祖陵禮成行慶業經疊沛恩膏